



## O`ZBEKISTON RESPUBLIKASI VAZIRLAR MAHKAMASINING QARORI

20 21 yil « 10 » may

№ 294

Toshkent sh.

### Ёшлар саноат ва тадбиркорлик зонаси ҳамда Ёш тадбиркорларни қўллаб-қувватлаш жамғармаси тўғрисида низомларни тасдиқлаш тўғрисида

Ўзбекистон Республикаси Президентининг “Ёшлар саноат ва тадбиркорлик зоналари фаолиятини ташкил этиш ҳамда ёшларнинг тадбиркорликка оид ташабbusларини қўллаб-қувватлаш чора-тадбирлари тўғрисида” 2021 йил 21 апрелдаги ПҚ-5088-сон қарорига мувофиқ Вазирлар Маҳкамаси қарор қиласди:

#### 1. Куйидагилар:

ёшлар саноат ва тадбиркорлик зоналарини ташкил қилиш ва бошқариш, уларга жойлаштириш учун ёш тадбиркорлик субъектининг инвестиция лойиҳаларини танлаб олиш ва жойлаштириш, уларда жойлашган бинолар ва иншоотларни хусусийлаштириш, шунингдек, тижорат банклари томонидан қурилган бино ва иншоотларни лизинг ёки ижарага бериш тартибини назарда тутувчи **Ёшлар саноат ва тадбиркорлик зонаси тўғрисидаги низом 1-иловага** мувофиқ;

ёш тадбиркорларни қўллаб-қувватлаш жамғармаси маблағларини шакллантириш манбалари, жамғарма фаолиятини бошқариш, жамғарма маблағлари ҳисобидан молиялаштириш, шунингдек, унинг маблағларидан фойдаланишга доир ҳисбот ва назорат юритиш тартибини назарда тутувчи **Ёш тадбиркорларни қўллаб-қувватлаш жамғармаси тўғрисидаги низом 2-иловага** мувофиқ тасдиқлансин.

#### 2. Белгилансинки:

ёш тадбиркорлик субъекти ўн саккиз ёшга тўлган ва ўттиз ёшдан ошмаган ҳамда юридик шахс мақомида ёки таъсисчилари сифатида саноат ёки хизмат кўрсатиш йўналишида инвестиция лойиҳасини амалга ошириш истагини билдирган Ўзбекистон Республикаси фуқаролари ҳисобланади;

барча ёш тадбиркорлик субъектларининг инвестиция лойиҳаларини молиялаштириш учун Ёш тадбиркорларни қўллаб-қувватлаш жамғармасининг маблағлари тижорат банклари томонидан белгилангандар тартибда ажратилади.

3. Ўзбекистон Республикаси Инвестициялар ва ташқи савдо вазирлиги (Воитов) Ёшлар ишлари агентлиги, вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда **2021 йилнинг 20 майигача:**

2021 йил 1 сентябригача 77 та ҳамда 2022 йил 1 январигача 142 та Ёшлар саноат зоналарини ишга туширилишини назарда тутувчи иш режа ишлаб чиқсин ва тасдиқласин;

ёшларнинг тадбиркорлик ташаббусларини қўллаб-куватлаш тизими доирасида назарда тутилган имкониятлар ва имтиёзлар тўғрисида ёшлар орасида кенг тарғибот ишларини ташкил этиш бўйича чора-тадбирлар режаси ишлаб чиқсин ва тасдиқлаш учун Вазирлар Маҳкамасига киритсин.

4. Ўзбекистон Республикаси Инвестициялар ва ташқи савдо вазирлиги:

**ҳар йили 25 декабргача** – Ёш тадбиркорларни қўллаб-куватлаш жамғармасининг келгуси йил учун иш режасини ишлаб чиқсин ва тасдиқласин;

**ҳар йили 20 январгача** – Ёш тадбиркорларни қўллаб-куватлаш жамғармаси маблағларининг тақсимланиши бўйича йиллик ҳисоботни Вазирлар Маҳкамасига киритсин;

Ёш тадбиркорларни қўллаб-куватлаш жамғармаси маблағларидан мақсадли ва самарали фойдаланишини назорат қилсин.

5. Экспорт ва инвестицияларни ривожлантириш масалалари бўйича Ҳукумат комиссияси (Умурзаков) бир ойда камида бир маротаба Ёшлар саноат зоналарини ташкил қилиш ҳамда Ёш тадбиркорларни қўллаб-куватлаш жамғармаси маблағларидан самарали фойдаланиш бўйича амалга оширилган чора-тадбирларнинг натижадорлигини танқидий муҳокама қилсин ҳамда ҳар чорак якуни бўйича Вазирлар Маҳкамасига ҳисобот киритиб борсин.

6. Ўзбекистон Республикаси Инвестициялар ва ташқи савдо вазирлиги манфаатдор вазирликлар ва идоралар билан биргаликда ўzlари қабул қилган норматив-хукуқий хужжатларни бир ой муддатда ушбу қарорга мувофиқлаштиурсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг инвестициялар ва ташқи иқтисодий алоқалар масалалари бўйича ўринбосари – инвестициялар ва ташқи савдо вазири С.У. Умурзаков зиммасига юклансин.

Ўзбекистон Республикасининг  
Бош вазири



А. Арипов

Вазирлар Маҳкамасининг  
2021 йил “10” майдаги 294 – сон қарорига  
1-илова

## Ёшлар саноат ва тадбиркорлик зонаси тўғрисида НИЗОМ

### 1-боб. Умумий қоидалар

1. Мазкур Низом ёшлар саноат ва тадбиркорлик зоналари ва уларнинг фаолиятини ташкил этиш, шунингдек, ушбу зоналар ҳудудларида амалга ошириш учун ёш тадбиркорлик субъектларининг инвестиция лойиҳаларини танлаб олиш ва жойлаштириш тартибини белгилайди.

2. Ушбу Низомда куйидаги тушунчалардан фойдаланилади:

**ёш тадбиркорлик субъекти** – ўн саккиз ёшга тўлган ва ўттиз ёшдан ошмаган ҳамда юридик шахс мақомида ёки таъсисчилари сифатида саноат ёки хизмат кўрсатиш йўналишида инвестиция лойиҳасини амалга ошириш истагини билдирган Ўзбекистон Республикаси фуқаролари;

**ёшлар саноат ва тадбиркорлик зоналари** (кейинги ўринларда – Ёшлар саноат зоналари) – тегишли ҳудудни жадал ижтимоий-иқтисодий ривожлантириш, ёшлар бандлигини, энг аввало “Ёшлар дафтари”га киритилган ёшларнинг бандлигини таъминлаш ва ёш тадбиркорлик субъектларининг инвестиция лойиҳаларини амалга оширилишини қўллаб-куватлаш мақсадида ажратилган махсус ҳудуд.

### 2-боб. Ёшлар саноат ва тадбиркорлик зоналарини ташкил қилиш ва бошқариш тартиби

3. Ёшлар саноат зоналари фақат муҳандислик-техник коммуникациялари мавжуд бўлган ёки ўтказиш осон бўлган, фаолият кўрсатмаётган ишлаб чиқариш майдонлари ва қишлоқ хўжалигига мўлжалланмаган ер майдонларида ташкил этилади.

4. Ёшлар саноат зоналарини ташкил этиш ва фаолият кўрсатаётган Ёшлар саноат зоналари ҳудудининг чегаларини ўзгартириш тўғрисидаги қарорлар Вазирлар Маҳкамаси билан келишилган ҳолда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан қабул қилинади.

Ёшлар саноат зоналари ҳудудининг чегаралари Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари қарорларига асосан тасдиқланади.

5. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Ёшлар саноат зоналарини ташкил этиш ёки фаолият кўрсатаётганларининг чегараларини ўзгартириш учун Инвестициялар ва ташқи савдо вазирлигига қуидаги хужжатларни тақдим этади:

мўлжалланган ер майдонлари чегаралари чизиб кўрсатилган ер-кадастр режасининг кўчирма нусхаси;

мўлжалланган чегараларда жойлашган ерларнинг таркиби, ер эгаларининг, ердан фойдаланувчиларнинг, ер майдонлари ижарачиларининг ва мулқдорларининг (улар мавжуд бўлган тақдирда) рўйхати ҳамда уларнинг Ёшлар саноат зоналари ташкил этилишига Қорақалпоғистон Республикаси Вазирлар Кенгашига, вилоятлар ва Тошкент шаҳар ҳокимликларига ёзма шаклда берилган розилиги;

тегишли худуддаги коммуникациялар билан таъминланганлик даражасини таҳлил қилиш натижалари асосида ишлаб чиқилган Ёшлар саноат зоналарини ўйл-транспорт, муҳандислик коммуникация инфратузилмаси билан таъминлаш бўйича дастур.

6. Инвестициялар ва ташқи савдо вазирлиги Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан тақдим қилинган хужжатларни бир ҳафта муддатда ўрганиб чиқиб, Ёшлар саноат зоналарини ташкил этиш ва фаолият кўрсатаётган Ёшлар саноат зоналарининг чегаларини ўзгартиришнинг мақсадга мувофиқлиги юзасидан хulosани Низомнинг 5-бандида кўрсатилган хужжатлар билан биргаликда Вазирлар Маҳкамасига киритади.

7. Вазирлар Маҳкамаси келиб тушган хужжатларни ўн кунлик муддатда Инвестициялар ва ташқи савдо вазирлигининг хulosаси ва Низомнинг 5-бандида кўрсатилган хужжатлар асосида кўриб чиқади ҳамда кўриб чиқиш натижаларини Инвестициялар ва ташқи савдо вазирлиги ва тегишли маҳаллий ижро этувчи ҳокимият органларига юборади.

8. Қорақалпоғистон Республикаси Вазирлар Кенгаши Раисининг ўринbosари – инвестициялар ва ташқи савдо вазири, вилоятлар ва Тошкент шаҳар ҳокимининг ўринbosарлари – инвестициялар ва ташқи савдо бошқармалари бошликлари Ёшлар саноат зоналарининг фаолиятини мувофиқлаштириб боради, уларни ривожлантириш ҳамда фаолиятини самарали ташкил этиш чораларини кўради.

9. Инвестициялар ва ташқи савдо вазирлигининг худудий бошқармалари Ёшлар саноат зоналари фаолиятини мувофиқлаштириб бориши доирасида қуидагиларни амалга оширади:

Ёшлар ишлари агентлигининг худудий бошқармалари билан биргаликда инвестиция лойиҳаларини амалга оширишнинг ҳар бир босқичида ёш тадбиркорлик субъектининг ҳамда тегишли давлат органларининг ўзаро ҳамкорлигини ташкил этади;

инвестиция лойиҳаларини амалга ошириш билан боғлиқ бўлган, шу жумладан мавжуд бюрократик тўсиқларни бартараф этиш бўйича масалаларни ҳал этишга доир ишларни ташкиллаштиради;

инвестиция лойиҳаларини ажратилган ер майдонлари чегарасигача етарли кувватда муҳандислик-коммуникация тармоқлари ва зарур инфратузилма билан таъминлаш бўйича тегишли ташкилотларга мурожаат қиласади;

инвестиция лойиҳалари бўйича улар фойдаланишга топширилгунга қадар бўлган жараённинг тўлиқ мониторингини амалга оширади.

Инвестициялар ва ташқи савдо вазирлиги ҳузуридаги Экспортни рағбатлантириш агентлиги Ёшлар саноат зоналари худудидаги ёш тадбиркорлик субъекти томонидан ишлаб чиқариладиган маҳсулотлар ва хизматлар ҳақидаги маълумотлар базасини юритади ва уларга етакчи халқаро электрон савдо майдонларига чиқаришда қўмаклашади.

10. Ўзбекистон Республикаси Ёшлар ишлари агентлигининг худудий бошқармалари Инвестициялар ва ташқи савдо вазирлигининг худудий бошқармалари билан биргаликда:

ёшларнинг тадбиркорлик ташаббусларини қўллаб-куватлаш тизими доирасида назарда тутилган имкониятлар, имтиёзлар, амалий қўмаклашув чора-тадбирлари юзасидан ёшлар орасида кенг тарғибот ишларини олиб боради;

ёшларнинг тадбиркорлик ғояларини амалга ошириш мақсадида лойиҳаолди ҳужжатларини ишлаб чиқиш учун “ложиҳалар фабрикаси”га йўналтиради;

Ёшлар саноат зоналари худудида ёш тадбиркорлик субъектларининг лойиҳаларини амалга оширилишини ва уларнинг давлат ташкилотлари билан самарали ҳамкорлигини таъминлайди;

ёш тадбиркорлик субъектининг экспорт салоҳиятини ошириш мақсадида ҳар ойда маҳаллий ва хорижий компанияларни, мутахассисларни жалб қилган ҳолда мотивацион бизнес-семинарлар, тренинглар, савдо миссиялари ва бизнес-форумлар ташкил этади;

ёш тадбиркорлик субъектларини ишлаб чиқарилган маҳаллий маҳсулотларни экспорт қилишдаги мавжуд имтиёзлар ва преференциялар тўғрисидаги маълумотлар билан таъминлайди.

11. Ўзбекистон Республикаси Ёшлар ишлари агентлигининг худудий бошқармалари “ложиҳалар фабрикаси” билан биргаликда лойиҳа-таклифлари асосида лойиҳа бизнес-режасини ишлаб чиқишида, шунингдек молиялаштириш учун буюртманома тақдим этилган инвестиция лойиҳаларига доир лойиҳаолди ҳужжатларини кўриб чиқиш ва тайёрлашда ёш тадбиркорлик субъектларига амалий ёрдам кўрсатади.

### **3-боб. Ёшлар саноат ва тадбиркорлик зонасига жойлаштириш учун ёш тадбиркорлик субъектларининг инвестиция лойиҳаларини танлаб олиш**

12. Ёшлар саноат зоналари худудида инвестиция лойиҳаларини жойлаштириш мазкур Низомга 1-иловада келтирилган схемага мувофиқ амалга оширилади.

13. Ёшлар саноат зоналарида жойлаштириш учун инвестиция лойиҳалари шаҳар ва туман ҳокимлари раҳбарлигидаги ушбу Низомга 2-иловага мувофиқ намунавий таркибда шакллантириладиган Ёшлар саноат ва тадбиркорлик зонасида жойлаштириш учун инвестиция лойиҳаларини танлаб олиш бўйича ишчи гуруҳларнинг (кейинги ўринларда – ишчи гуруҳлар) қарорларига асосан амалга оширилади.

14. Ёшлар саноат зоналарида ўз инвестиция лойиҳаларини жойлаштириш истагида бўлган ёш тадбиркорлик субъектлари қуйидаги ҳужжатларни туман (шаҳар) инвестициялар ва ташқи савдо бўлимларига тақдим этади.

мазкур Низомга 3-иловада келтирилган шаклга мувофиқ инвестиция буюртманомаси;

инвестиция лойиҳасининг бизнес-режаси ёки техник-иктисодий асоси;

инвестиция лойиҳаси тўғрисида маълумотнома.

Тақдим этилган маълумотлар ҳамда ҳужжатларнинг тўғри ва ишончлилиги учун ёш тадбиркорлик субъекти жавобгар ҳисобланади.

15. Туман (шаҳар) инвестициялар ва ташқи савдо бўлимлари ёш тадбиркорлик субъектларидан тегишли ҳужжатлар тўлиқ келиб тушган куннинг ўзида уларни ишчи гуруҳларга кўриб чиқиш учун юборади.

16. Инвестиция лойиҳаларини жойлаштириш тўғрисида ишчи гуруҳнинг қарори ёш тадбиркорлик субъекти томонидан тегишли ҳужжатлар тақдим қилинган кундан бошлаб 10 календарь кун ичida қабул қилинади ҳамда бу ҳақда ижобий ёки рад этиш тўғрисида холоса берилиши шарт.

17. Рад этилган лойиҳалар бўйича рад этиш сабаблари аниқ баён этилган ҳолда ёзма равишда ёш тадбиркорлик субъектларига жавоб берилади.

18. Ишчи гуруҳлар тақдим этилган инвестиция буюртманомаларини кўриб чиқади ва қуйидаги қарорлардан бирини қабул қиласди:

Ёшлар саноат зоналари худудига инвестиция лойиҳасини жойлаштириш ва ёш тадбиркорлик субъектига тўғридан-тўғри ер майдони ёки ишлаб чиқариш майдонларини ажратиш тўғрисида;

Ёшлар саноат зоналари худудига инвестиция лойиҳасини жойлаштиришни асосланган сабабларини кўрсатган ҳолда мақсадга мувофиқ эмаслиги тўғрисида.

Ташаббускорлар томонидан тақдим этган маълумотларнинг ишончсизлигидан далолат берувчи ҳолатлар аниқланса, бундай инвестиция лойиҳасини кўриб чиқиш тўхтатилади.

19. Куйидаги талабларга жавоб берадиган инвестиция лойиҳалари Ёшлар саноат зоналари ҳудудида жойлаштиришда устуворликка эга бўлади:

патент асосида ишлаб чиқаришни йўлга қўйишни таъминловчи стартап-инвестиция лойиҳалари;

инновацион маҳсулотлар ишлаб чиқаришга мўлжалланган инвестиция лойиҳалари;

импорт ўрнини босадиган ва экспортга йўналтирилган рақобатбардош маҳаллий саноат маҳсулотлари ишлаб чиқаришни назарда тутувчи инвестиция лойиҳалари;

яратиладиган янги иш ўринларининг камида 70 фоизи ёшлар учун мўлжалланган бўлиши, бунда бандлиги таъминланмаган “Ёшлар дафтари”га киритилган ёшларни иш билан таъминлашни назарда тутувчи инвестиция лойиҳалари.

20. Ишчи гурухлар Ёшлар саноат зоналарида жойлаштириш учун таклиф этилган инвестиция лойиҳаларини юқоридаги мезонлардан келиб чиқиб, энг мақбулларини танлаб олади.

21. Инвестиция лойиҳаларини танлаб олиш мақсадида ишчи гурухлар:

танлов жараёнининг шаффоғ ўтказилишини ташкил этади ва киритилган таклифларни ошкора тарзда кўриб чиқади;

танловда қатнашиш учун ташаббускорларнинг инвестиция буюртманомаларини улар олинган санаси ва вақтини кўрсатган ҳолда қабул қиласди;

унга юклатиладиган бошқа функцияларни қонунчилик хужжатларига мувофиқ амалга оширади.

Хужжатларни кўриб чиқиш ва танлов жараёни бевосита номзод ҳисобланган барча ёш тадбиркорлик субъектлари ёки уларнинг вакиллари иштирокида ўтказилади.

#### **4-боб. Ёшлар саноат ва тадбиркорлик зонасида инвестиция лойиҳаларини жойлаштириш тартиби**

22. Ёшлар саноат зоналари ҳудудида инвестиция лойиҳасини жойлаштириш учун ер майдонлари чегараларини белгилаб бериш Давлат солиқ қўмитаси ҳузуридаги Кадастр агентлигининг тегишли туман (шаҳар) бўлимлари томонидан ишчи гурухларнинг хulosалари асосида 5 иш куни ичида амалга оширилади.

23. Ишчи гурухларнинг баённомасига асосан Ёшлар саноат зоналари ҳудудида майдони 1000 кв. м.гача бўлган ер участкалари истисно тариқасида, электрон аукцион савдоси ўтказмасдан, шаҳар (туман) ҳокимларининг қарори билан ажратилади, бунда бўш бино ва иншоатлар (давлат кўчмас мулк обьектлари) шартнома асосида ижара тўловлари ҳар йили Қорақалпогистон

Республикаси, вилоятлар ва Тошкент шаҳар ҳокимликлари томонидан давлат кўчмас мулкидан фойдаланганлик учун белгиланадиган ижара тўловининг энг кам миқдоридан ошмаган ставкалар бўйича белгиланган тартибда ижарага берилади.

24. Ёш тадбиркорлик субъекти томонидан инвестиция лойиҳаси Ёшлар саноат зоналари ҳудудига жойлаштирилган кундан бошлаб уч ой давомида лойиҳани амалга ошириш бўйича чоралар кўрилмаслиги, шунингдек, ишлаб чиқариш майдонлари ва (ёки) ер майдонларидан уларга доир узоқ муддатли ижара шартномада кўрсатилган мақсаддан ташқари фойдаланилиши ажратилган ер майдони ёки ишлаб чиқариш майдонларини қайтариб олиш учун асос бўлади.

**5-боб. Ёшлар саноат ва тадбиркорлик зонаси ҳудудида жойлашган бинолар ва иншоотларни хусусийлаштириш тартиби**

25. Ёшлар саноат зоналари ҳудудида лойиҳа ташаббускорлари куйидаги хукуқлардан фойдаланади:

ўз маблағлари ҳисобидан қурилган бинолар ва иншоотларга эгалик хукуқини қонунчиликда белгиланган тартибда расмийлаштириш;

ўз маблағлари ҳисобидан реконструкция қилинган ёки капитал таъмирланган бино ва иншоотларни ёш тадбиркорлик субъекти томонидан амалга оширилган инвестиция лойиҳаси фойдаланишга топширилган санадан бошлаб уч йилдан кейин, реконструкция қилиш ёки капитал таъмирлаш харажатларини чегириб ташлаган ҳолда, белгиланган тартибда аниқланадиган баҳолаш қиймати бўйича хусусийлаштириш;

инвестиция мажбуриятларини тўлиқ бажариш шарти билан (ўз маблағлари ҳисобидан реконструкция қилиш ва капитал таъмирлашни амалга оширмасдан), бироқ инвестиция лойиҳасини амалга ошириш якунланган санадан бошлаб беш йилдан кейин тўловларни беш йил мобайнода тенг улушларда амалга ошириш хукуқи берилган ҳолда, белгиланган тартибда аниқланадиган баҳолаш қиймати бўйича хусусийлаштириш.

**6-боб. Тижорат банклари томонидан қурилган бино ва иншоотларни лизинг ёки ижарага бериш тартиби**

26. Қорақалпоғистон Республикаси, вилоятлар ва Тошкент шаҳрига бириктирилган тижорат банклари ўзларига бириктирилган ҳудудлардаги Ёшлар саноат зоналарида ўз маблағлари ва жалб қилинган маблағлар ҳисобидан ишчи гуруҳининг тавсиясига асосан лизингга ёки ижарага бериш мақсадида бино ва иншоотлар қуриши мумкин.

27. Тижорат банклари томонидан қурилган бино ва иншоотларни ёш тадбиркорлик субъектларига лизингга беришда улар бошланғич тўлов сифатида мазкур обьектлар қийматининг камида 10 фоизлик қисмини тўлаши талаб этилади.

28. Тижорат банклари томонидан ёш тадбиркорлик субъектига бино ва иншоотларни лизинг ёки ижарага бериш шартнома асосида амалга оширилади.

29. Ишчи гурухлар томонидан инвестиция лойиҳаларининг маъқулланиши тижорат банки томонидан бино ва иншоотларнинг ёш тадбиркорлик субъектларига лизинг ёки ижара шартлари асосида ажратилиши учун асос бўлиб хизмат қиласди.

### **7-боб. Якунловчи қоидалар**

30. Ёшлар саноат зоналари фаолиятини тугатиш ҳақидаги қарор Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари томонидан Вазирлар Маҳкамаси ҳамда Инвестициялар ва ташқи савдо вазирлиги билан келишилган ҳолда қабул қилинади.

31. Шаҳар (туман) ҳокимликлари ҳамда ишчи гурухлар аъзолари, инвестиция лойиҳаси Ёшлар саноат зоналари ҳудудига жойлаштирилган ёш тадбиркорлик субъектлари, шунингдек, манфаатдор ташкилотлар раҳбарлари ушбу Низом талабларига риоя этилишига шахсан масъул ҳисобланади.

32. Ушбу Низомнинг талабларини бажаришда юзага келадиган низо ва келишмовчиликлар қонунчилик ҳужжатларига мувофиқ суд тартибида кўриб чиқилади.

Ёшлар саноат ва тадбиркорлик зонаси  
түғрисидаги низомга  
1-илова

**Ёшлар саноат ва тадбиркорлик зонаси худудида инвестиция лойиҳаларини  
жойлаштириши ва молиялаштириши  
СХЕМАСИ**



Инвестициялар ва ташқи савдо вазирлиги	Тижорат банкларига молиявий ресурслар тақдим этиш Жамғармадаги мавжуд маблағлар доирасида, миллий валютада 10 фоиз ставкада, хорижий валютада 2 фоиз ставкада амалга оширилади.	10 банк иш куни ичида
Инвестициялар ва ташқи савдо вазирлиги	Тижорат банклари томонидан киритилган буюртманомани қўриб чиқади ва қўриб чиқиш якуни бўйича қабул қилинган қарор тўғрисида тижорат банкига билдиришнома юборади. Билдиришномада молиявий ресурслар (тўлик ёки қисман) ажратилиши ёки рад этилиши сабаблари кўрсатилади.	10 банк иш куни ичида
Тижорат банки	Тижорат банки молиявий ресурс ажратилиши кўрсатилган билдиришномани олган кундан бошлаб, белгиланган тартибда ёш тадбиркорлик субъекти билан хужжатларни расмийлаштиради. Молиявий ресурс ажратилиши рад этилган ҳолларда бу тўғрисида буюртманома берган ёш ташаббускорга маълум қиласи.	3 банк иш куни ичида
Ёш тадбиркорлик субъекти	Молиявий ресурс ажратилиши рад этилганда “лойиҳалар фабрикаси” билан биргаликда мавжуд камчиликларни бартараф этган ҳолда инвестиция лойиҳасини янада пухта ишлаб чиқади ва тегишли тижорат банкига такорран тақдим этади.	Реал вақт режимида
<u>Инвестициялар ва ташқи савдо вазирлигининг худудий бошқармалари</u>	<u>Ёшлар саноат ва тадбиркорлик зоналарини ташкил этиш, уларда инвестиция лойиҳаларини амалга ошириш ҳамда Ёш тадбиркорларни кўллаб-куватлаш жамғармаси маблағларидан самарали фойдаланиш бўйича амалга оширилган чора-тадбирларнинг натижадорлигини мувофиқлаштириб боради.</u>	<u>Хар ойда</u>

Ёшлар саноат ва тадбиркорлик зонаси  
тўғрисидаги низомга  
2-илова

**Ёшлар саноат ва тадбиркорлик зонасида жойлаштириш учун  
инвестиция лойиҳаларини танлаб олиш бўйича ишчи гуруҳларнинг  
НАМУНАВИЙ ТАРКИБИ**

1. Туман (шаҳар) ҳокими, *иши гуруҳ раҳбари.*
2. Туман (шаҳар) ҳокимининг ўринбосари – инвестициялар ва ташқи савдо бўлими бошлиғи, *иши гуруҳ раҳбарининг ўринбосари.*
3. Кадастр агентлигининг тегишли туман (шаҳар) бўлими бошлиғи.
4. Биритирилган тижорат банки масъул ходими.
5. Савдо-саноат палатаси хузуридаги Тадбиркорликка кўмаклашиш маркази тегишли туман (шаҳар) бўлими бошлиғи.
6. Ёшлар агентлигининг тегишли туман (шаҳар) бўлими раҳбари.
7. Тегишли туман (шаҳар) ҳокимининг ёшлар сиёсати, ижтимоий ривожлантириш ва маънавий-маърифий ишлар бўйича ўринбосари, *иши гуруҳ котиби.*

**Изоҳ:** Иши гуруҳлар аъзолари бошқа ишга ўтган тақдирда, унинг таркибига ушибу лавозимларга янгидан тайинланган ёки тегишли функцияларни бажарии зинмасига юкланган шахслар киритилади.

Иши гуруҳлар томонидан ёш тадбиркорлик субъектининг лойиҳа ҳужжатларини қабул қилиб олиш, иши гуруҳ муҳокамасига киритиш ва ёш тадбиркорлик субъекти билан ўзаро фаолият юритишга иши гуруҳлар котиби масъул.

Ёшлар саноат ва тадбиркорлик зонаси  
түғрисидаги низомга  
3-илова

шашар (туман)  
хокимлигига

“ \_\_\_\_\_ ” ёшлар саноат ва тадбиркорлик зонасида жойлашган  
инвестиция лойиҳасини амалга ошириш учун  
**ИНВЕСТИЦИЯ БЮРТМАНОМАСИ**

**1. Талабгор ҳақида маълумот:**

Ёш тадбиркорлик субъектининг номи	
Талабгор ҳақида маълумотлар, шу жумладан давлат рўйхатидан ўтган санаси ва жойи, таъсисчиси(лари) ва бошқалар	
Юридик шахснинг ташкилий-ҳуқуқий шакли, устав капиталида таъсисчилар улушларининг тақсимланиши ва улушлар шакли	
Талабгор ташкилот жойлашган ери (пошли манзили)	

**2. Инвестиция лойиҳаси ҳақида маълумотлар:**

Инвестиция лойиҳасининг номи	
Инвестиция лойиҳасининг тавсифи и мақсади, шу жумладан режалаштирилаётган йиллик маҳсулот ишлаб чиқариш қуввати	
Ишлаб чиқариладиган маҳсулотнинг номи, мақсади ва асосий хусусиятлари	
Маҳсулот ишлаб чиқаришнинг ўртacha йиллик ҳажми, шу жумладан экспорт қилиш ва ички бозор учун мўлжалланган ҳажмлар (жисмоний ва қиймат ифодасида)	
Хомашё, материаллар ва бутловчи қисмларнинг асосий турлари (маҳаллий ва импорт), уларнинг тайёр маҳсулотдаги улушки (% да)	
Хомашё, материаллар ва бутловчи қисмларга бўлган йиллик эҳтиёж (сўмда ёки АҚШ доллари экв.), шу жумладан маҳаллий ва импорт.	
Маҳсулот стандартлари – O'zDst, ISO 9001 ва ISO 14001 ва бошқалар.	
Ишлаб чиқариш ишга тушган сана	
Ташкил этиладиган янги иш ўринларининг сони, шу жумладан маҳаллий ишчилар сони	

**3. Зарур майдон ва инфратузилма ҳақидаги маълумот:**

Талаб этиладиган майдон (га)	
Талаб этиладиган ишлаб чиқариш майдони (кв. метр)	
Электр энергиясига бўлган эҳтиёж (бир йилда кВт/соат), белгиланаётган қувват (кВт ёки МВт)	

Табиий газга бўлган эҳтиёж (бир йилда куб. метр), босим (атм.)	
Ичимлик ва техник сувига (йилига куб. метр) ҳамда канализацияга бўлган эҳтиёж	
Мавжуд ташламалар, шу жумладан газлар (номи) кг йилига ёки соатига, қаттиқ чиқиндилар (номи) т/ойига, суюқ чиқиндилар (номи) т/ойига ва бошқалар.	

**4. Лойиҳанинг молиявий-иктисодий кўрсаткичлари:**

Инвестиция лойиҳасининг қиймати (сўмда ёки АҚШ доллари экв.)	
Молиялаштириш манбалари (тўғридан-тўғри хорижий инвестициялар, таъсисчиларнинг маблағлари, тижорат банкларининг кредитлари)	
Машина ва ускуналарнинг қиймати (сўмда ёки АҚШ доллари экв.), шу жумладан маҳаллий ва импорт	
Курилиш-монтаж ишлари қиймати (сўмда ёки АҚШ доллари экв.)	
Айланма капиталнинг суммаси (сўмда ёки АҚШ доллари экв.)	
Инвестициялар киритиш жадвали ва шакли	
Лойиҳанинг қоплаш муддати (бизнес-режага мувофиқ)	

Раҳбар

(имзо)

(Ф.И.О.)

Вазирлар Маҳкамасининг  
2021 йил “10” майдаги 294-сон қарорига  
2-илова

## Ёш тадбиркорларни қўллаб-қувватлаш жамғармаси тўғрисида НИЗОМ

### 1-боб. Умумий қоидалар

1. Ушбу Низом Ўзбекистон Республикаси Инвестициялар ва ташқи савдо вазирлиги ҳузуридаги Ёш тадбиркорларни қўллаб-қувватлаш жамғармаси (кейинги ўринларда – Жамғарма) маблағларини шакллантириш, улардан фойдаланиш ва назорат қилиш тартибини белгилайди.
2. Жамғарма юридик шахс мақомига эга эмас ва унинг маблағлари Ўзбекистон Республикаси Инвестициялар ва ташқи савдо вазирлигининг (кейинги ўринларда – Вазирлик) алоҳида очилган ғазна ҳисобварагларида жамланади.

### 2-боб. Жамғарма маблағларини шакллантириш манбалари

3. Куйидагилар Жамғарманинг маблағларини шакллантириш манбалари ҳисобланади:

Ўзбекистон Республикасининг Тикланиш ва тараққиёт жамғармаси маблағлари ҳисобидан қайтармаслик шарти билан ажратиладиган 100 миллион АҚШ доллар;

халқаро молия институтлари, хорижий ҳукумат молия ташкилотлари, хорижий банклар ва хусусий молия ташкилотларининг қарзлари;

Жамғарма маблағларини тижорат банклари депозитларига белгиланган тартибда жойлаштиришдан тушадиган даромадлар;

қонунчилик хужжатларида тақиқланмаган бошқа манбалар.

4. Жамғарма маблағлари тижорат банклари орқали йўналтирилади.

### 3-боб. Жамғарма маблағларидан фойдаланишнинг асосий йўналишлари

5. Куйидагилар Жамғарма маблағларидан фойдаланишнинг асосий йўналишлари ҳисобланади:

ташқи бозорларда талаб катта бўлган ва импортнинг ўрнини босувчи, юқори кўшилган қийматли маҳсулотлар ишлаб чиқариш бўйича замонавий ишлаб чиқаришларни ташкил этиш ҳамда хизматлар кўрсатиш соҳасидаги лойиҳаларни молиялаштириш;

мева-сабзавот ва қишлоқ хўжалиги маҳсулотларини чукур қайта ишлаш, сақлаш ва қадоқлаш, тўқимачилик, пойабзал ва чарм-галантерея, экологик жиҳатдан хавфсиз кимё, фармацевтика, озиқ-овқат, электротехника саноати, машинасозлик, замонавий қурилиш материаллари, ҳунармандчилик ҳамда

ахборот-коммуникация технологиялари соҳаларидаги лойиҳаларни молиялаштириш ва бошқа йўналишларда янги замонавий ишлаб чиқаришларни ташкил этиш;

маҳаллий хомашё ва материаллар негизида мустаҳкам кооперация алоқаларини ўрнатиш ҳамда юқори технологияли маҳсулотлар ишлаб чиқаришни маҳаллийлаштириш жараёнларини чукурлаштириш соҳасидаги лойиҳаларни молиялаштириш.

#### **4-боб. Жамғарма фаолиятини бошқариш**

6. Жамғарма фаолиятини бошқариш ва унинг маблағларини тақсимлаш Вазирлик томонидан амалга оширилади.

7. Вазирлик:

ҳар йили 25 декабргача Жамғарманинг келгуси йил учун иш-режасини ишлаб чиқади ва тасдиқлайди;

зарур ҳолларда тасдиқланган даромадлар ва харажатлар режаларига тегишли ўзгартиришлар киритади;

Жамғарма маблағларидан мақсадли ва самарали фойдаланилишини назорат қиласи;

Жамғарма маблағларини шакллантириш, улардан мақсадли ва самарали фойдаланиш билан боғлиқ бошқа вазифаларни амалга оширади.

#### **5-боб. Жамғарма маблағлари ҳисобидан молиялаштириш тартиби**

8. Жамғарма ҳисобидан ажратиладиган молиявий ресурслар тижорат банкларига қўйидаги шартларда тақдим этилади:

молиявий ресурсларни тақдим этиш бир йўла бир тадбиркорлик субъекти учун 100 минг АҚШ доллари эквивалентидан ошмаган микдорда 7 йилгача муддат билан;

қиймати 100 минг АҚШ доллари эквивалентигача бўлган инвестиция лойиҳаларини Жамғарма маблағлари ҳисобидан молиялаштирилади, ундан ошган қисмини қарорда назарда тутилган имтиёзларсиз, тижорат банклари орқали умумий тартибда тақдим этилади;

олинган молиявий ресурслар бўйича тижорат банки ўз маржаси микдорини йиллик миллий валютадаги кредитлар бўйича 4 фоиз, хорижий валютадаги кредитлар бўйича 1 фоиздан оширасдан;

молиявий ресурслардан фойдаланиш учун алоҳида ҳисобварақ очилган ҳолда;

олинган молиявий ресурслардан ёш тадбиркорлик субъекти томонидан мақсадли фойдаланилишини мониторинг қилиб бориш ҳамда молиявий ресурсларни ўз вактида қайтарилиши устидан назорат ўрнатиш асосида.

9. Тижорат банки Жамғармадан молиявий ресурслар олиш учун Жамғарма билан қонунчилик хужжатларида белгиланган тартибда бош келишув тузади.

Бунда, бош келишувда мазкур Низомда белгиланган шартларни ва тартибларни инобатга олган ҳолда томонларнинг ҳуқуқлари, мажбуриятлари ва жавобгарликлари, молиявий ресурсларни тақдим этиш ва улардан фойдаланиш шартлари ва муддатлари белгилаб қўйилади.

Инвестициялар ва ташқи савдо вазирлиги ва унинг худудий бўлинмалари расмий веб-сайтлари, оммавий ахборот воситалари ва ижтимоий тармоқларда бош келишув тузилган банклар ҳақида доимий равишда маълумотлар етказиб боради.

10. Тижорат банклари ўзларининг ички низомлари қоидалари билан бир қаторда ёш тадбиркорлик субъектини Жамғарма маблағлари ҳисобидан молиялаштиришда қуидаги шартларнинг бажарилишини текшириб боради:

ташаббускорнинг кредит қарздорлиги ва салбий кредит тарихи бўлмаслиги;

Жамғарма молиявий ресурслари ҳисобидан аввал олинган маблағлар тўлиқ қайтарилган бўлиши.

11. Тижорат банкларига молиявий ресурслар тақдим этиш Жамғарманинг мавжуд маблағлари доирасида, миллий валютадаги кредитлар бўйича 10 фоиз ставкада, хорижий валютадаги кредитлар бўйича 2 фоиз ставкада амалга оширилади.

12. Бош келишув тузган тижорат банки молиявий ресурслар олиш учун Вазирликка ушбу Низомга 1-иловада келтирилган шаклда буюртманома тақдим этади.

Буюртманома тўғридан-тўғри, почта алоқа хизмати воситасида ёки электрон шаклда ахборот тизимлари орқали тегишли тижорат банки масъул раҳбарининг имзоси билан тасдиқланган ҳолда тақдим этилади.

Тақдим этилган буюртманомадаги маълумотларнинг ҳақиқийлиги учун тижорат банки жавобгар ҳисобланади.

13. Тижорат банклари томонидан киритилган буюртманома Вазирлик томонидан 10 кунгача муддат ичida кўриб чиқилади.

Буюртманома молиялаштириш тури, миқдори, муддати ҳамда мазкур Низомда белгиланган бошқа талабларга ва шартларга мувофиқлиги нуқтаи назаридан кўриб чиқилади.

14. Вазирлик буюртманомани кўриб чиқиш якуни бўйича қабул қилинган қарор тўғрисида почта алоқа хизмати воситасида ёки электрон шаклда ахборот тизимлари орқали тижорат банкига билдиришнома (қарор нусхасини илова қилган ҳолда) юборади.

Билдиришномада молиявий ресурслар (түлиқ ёки қисман) ажратилиши ёки рад этилиши сабаблари кўрсатилади.

15. Тижорат банки молиявий ресурслар ажратилиши кўрсатилган билдиришномани олган кундан бошлаб, уч иш куни ичида белгиланган тартибда ёш тадбиркорлик субъекти билан ҳужжатларни расмийлаштиради ҳамда Вазирликка мазкур Низомга 2-иловада келтирилган шакл бўйича тижорат банкининг масъул раҳбари томонидан имзоланган талабнома ва реестрини киритади.

Ушбу ҳужжатлар тўғридан-тўғри, почта алоқа хизмати воситасида ёки электрон шаклда ахборот тизимлари орқали киритилиши мумкин.

Тижорат банки молиявий ресурс ажратилиши рад этилган ҳолларда бу тўғрисида буюртманома берган ёш ташаббускорга тегишли қарор қабул қилинган кундан бошлаб уч иш куни ичида маълум қиласди.

16. Вазирлик томонидан тижорат банкларидан мазкур Низомнинг 8 ва 10-бандларида кўрсатилган ҳужжатлардан ташқари бошқа ҳужжатлар талаб этилишига йўл қўйилмайди.

17. Жамғарма ҳисобидан тижорат банкларига ёшлар саноат ва тадбиркорлик зоналари худудида ишлаб чиқариш ва хизмат кўрсатиш учун бинолар қуриш мақсадларига молиявий ресурслар Жамғарманинг молиявий кўрсаткичлари ва унинг ресурс базасидан келиб чиқсан ҳолда берилади.

18. Жамғарма маблағлари ҳисобидан тижорат банкларига ёшлар саноат ва тадбиркорлик зоналарида бино қуришга лизинг асосида бериладиган молиявий ресурслар миллий валютада йиллик 10 фоиз микдорида тақдим қилинади.

19. Тижорат банклари томонидан қурилган биноларни ёш тадбиркорлик субъектига лизинг асосида бериш миллий валютада йиллик 14 фоиз ставкада амалга оширилади.

20. Биноларни қуриш, сотиш ва ижарага ёки лизинга бериш тижорат банкларининг шўъба ташкилотлари (инвестиция компаниялари) орқали ҳам амалга ошириш мумкин.

21. Ёш тадбиркорлик субъекти бошланғич тўлов сифатида лизингга бериладиган бино қийматининг 10 фоизини ташкил этадиган қисмини тўлайди.

22. Тижорат банкига молиявий ресурслар тақдим этиш рад этилиши учун қўйидагилар асос бўлади:

мазкур Низомнинг 8 ва 10-бандларида назарда тутилган шартлардан бири ёки уларнинг бажармаслиги;

тижорат банки томонидан тақдим этилган буюртманомада мазкур Низомнинг 13-бандида белгиланган тартибда ўрганишлар натижасида ишончсиз ва нотўғри маълумотларнинг мавжудлиги ёки маълумотлар бузиб кўрсатилганлиги.

23. Мазкур Низомнинг 22-бандида кўрсатилган ҳолатлар ва асослардан кўра бошқа сабабларга кўра молиявий ресурслар тақдим этиш рад этишига йўл кўйилмайди.

24. Тижорат банки буюртманома бўйича рад этиш тўғрисида билдиришномада кўрсатилган рад этиш учун асос бўлган сабаб ва камчиликларини бартараф этган ҳолда, билдиришнома олган кундан бошлаб 10 иш куни мобайнида молиявий ресурслар олиш учун Вазирликка қайта буюртманома тақдим этишига ҳақли.

25. Вазирлик буюртманома такроран келиб тушган кундан бошлаб бир иш куни ичидан унда кўрсатилган маълумотларнинг буюртманома ва билдиришномадаги маълумотларга мувофиқлигини текширади ҳамда маълумотлар тўлиқ мувофиқ бўлган тақдирда тегишли молиявий ресурсларни тижорат банкининг алоҳида очилган ҳисобварафига ўтказиб беради.

26. Жамғарма ўз маблағлари ҳисобидан ёш тадбиркорлик субъектининг инвестиция лойиҳаларини тўғридан-тўғри миллий валютада йиллик 14 фоиз, хорижий валютада эса 3 фоиз микдорида молиялаштириши ҳам мумкин.

27. Жамғарма томонидан ўз маблағлари ҳисобидан тўғридан-тўғри молиялаштириш тартиби Экспорт ва инвестицияларни ривожлантириш масалалари бўйича Ҳукумат комиссияси томонидан белгиланади.

#### **5-боб. Жамғарма маблағларидан фойдаланиш юзасидан ҳисобот ва назорат**

28. Жамғарма маблағларидан фойдаланиш бўйича ҳисоб ва ҳисботлар Вазирлик томонидан юритилади.

29. Жамғарма маблағларининг тақсимланиши бўйича йиллик ҳисббот ҳар йили 15 январгacha Вазирлик томонидан кўриб чиқилади ва тасдиқланади.

30. Жамғарманинг жорий йилда фойдаланилмай қолган маблағлари Ўзбекистон Республикаси Давлат бюджетига олиб қўйилмайди ва улардан кейинги йилда фойдаланилади.

#### **6-боб. Якунловчи қоидалар**

31. Жамғарма маблағларидан мақсадли ва самарали фойдаланилиши учун масъулият Вазирлик зиммасига юклатилади.

32. Ушбу Низом талаблари бузилишида айбдор бўлган шахслар қонун хужжатларида белгиланган тартибда жавобгар бўладилар.

Ёш тадбиркорларни қўллаб-куватлаш жамгармаси  
тўғрисида низомга  
1-илова

Ўзбекистон Республикаси Инвестициялар ва ташқи савдо вазирлиги хузуридаги ёш  
тадбиркорларни қўллаб қувватлаш жамгармасидан молиявий ресурс олиш учун  
**БУЮРТМАНОМА**

1	Тижорат банк реквизитлари	СТИР: Банк номи: Жойлашган ери (почта манзили): Алоҳида маҳсус х/в (молиявий ресурсни ўтказиш учун): МФО: Бошқарувчи: Ишончнома: Бошқарувчи телефон рақами: Масъул ходим телефон рақами:
2	Ёш тадбиркорлик субъектининг реквизитлари	СТИР: Мижоз номи: Манзил: Х/в (миллий ва хорижий): МФО: ИФУТ: Рахбар (Ф.И.О): Рахбар телефон рақами:
3	Банк олдидағи муддати ўтган кредит қарздорлиги миқдори (буюртманома тақдим этилган санага)	(Муддати ўтган кредит қарздорлиги мавжуд эмас ёки _____ (млн. сўм ёки минг АҚШ доллари) миқдорида муддати ўтган кредит қарздорлиги мавжуд деб кўрсатилади)
4	Бюджет олдидағи мажбурий тўловлар бўйича муддати ўтган қарздорлик	(Мавжуд эмас ёки бюджет олдида _____ млн. сўм миқдорида муддати ўтган қарздорлик мавжудлиги кўрсатилади)
5	Қарз олувиши ташаббускор- ташкилотда Жамғарма томонидан тақдим этилган молиявий ресурслар хисобидан	(Мавжуд эмас ёки мавжуд, _____ млн. сўм, қайтариш муддати _____ йил _____ ойи, икки ҳолатидан бири кўрсатилади)
6	Жамғармадан сўралаётган молиявий ресурслари миқдори	_____ АҚШ доллари
7.	Маблағлар олиш учун тақдим этилаётган таъминот тури ва қиймати (банк томонидан қабул қилинадиган қиймат бўйича)	(қўчмас мулклар - _____ млн. сўм, автотранспорт воситалари - _____ млн. сўм, хорижий банк кафолати - _____ минг АҚШ доллари, банк аккредитиви - _____ минг АҚШ доллари, суғурта полиси - _____ млн. сўм – тегишилари кўрсатилади)
8.	1) Молиялаштириш тури 2) Банк фоиз ставкаси	1) Инвестиция кредити, айланма маблағ учун кредит 2) _____
9.	Молиялаштириш бўйича бўйича маблағларни қайтариш муддати	(ойлар сони кўрсатилади)
10.	Маблағлардан фойдаланиш мақсади	Импорт ўрнини босувчи, экспортга йўналтирилган саноат маҳсулотларини ишлаб чиқариш ва банд бўлмаган ёшларни иш билан таъминлаш

Ёш тадбиркорларни қўллаб-куватлаш жамғармаси  
тўғрисида низомга  
2-илова

## ТАЛАБНОМА

### (молиявий ресурс ажратиш тўғрисида)

\_\_\_\_\_ (*тижорат банки номи*), ёш тадбиркорларни  
инвестиция лойиҳаларини молиялаштириш кредитлари тақдим этиш  
\_\_\_\_\_ АҚШ доллари миқдоридаги молиявий ресурсни тижорат  
банкининг қуидаги реквизитлари бўйича ажратишингизни сўрайди.

Банк СТИР:

Манзил:

X/r:

МФО:

\_\_\_\_\_ бошқарувчиси

(Ф.И.О)

Боғланиш учун тел.: +998 ( )

